

(1192) 1193, gener, 23

*Raimunda, filla d'Arnau de Vilademuls, defineix al seu oncle, Ramon de Vilademuls, els llegats del seu pare, consistents en el Castell de Toralles i una possessió de Setcases, per 500 morabatins, rebuts en dot per al seu matrimoni amb Guillem Humbert de Montclús, el qual confirma la definició.*

ASD núm. 47, perg. orig., 360 x 160 mm. Còpia: *Llibre de capbrevacions de Setcases*, núm. 15, ff. 29v-30v.

In Christi nomine sit notum cunctis quod ego Raimunda, filia Arnaldi de Uillamulorum, assensu, consilio et uoluntate mariti mei Guilielmi Umberti, dono, diffinio penitus et euacuo bono animo et sponianeae uoluntate tibi Raimundo de Uillamulorum auunculo meo totam illam hereditatem quam iamdictus Arnallus pater meus mihi in suo testamento dimisit, scilicet castrum de Torayes cum ómnibus ad illud pertinentibus aliquo modo et omnem honorem de Septemcasis. Pro hac autem definitione accipio a te Raimundo de Uillamulorum auunculo meo quingentos morabatinos auri et recti ponderis, quos omnes pro me dedisti et tradidisti marito meo Guilielmo Umberto de Montecluso nomine dotis. Et ne ego quidem deinceps unquam uel aliquis nomine meo contra predictum pactum uenire ualeam aliquo modo uel aliqua ratione et predicta omnia semper firma permaneant et rata consistant, renuntio beneficio etatis et omni auxilio legali mihi competenti siue competituro, iurans super sancta .III.or Euangelia me omne quod superius dictum est semper ratum et firmum habere et nullo modo contrauenire. Ego preterea Guilielmus Umbertus bona uoluntate et animo uolente, renuntians etatis beneficio et omni auxilio legum quod mihi modo competit uel competit in futurum, iuro super sancta .III.or Euangelia me diffinitionem et euacuationem factam a Raymunda uxore mea Raimundo auunculo suo super tota hereditate a patre suo sibi in testamento dimissa ratam semper et firmam omnino habere, prout supradictum est et numquam aliquo modo contra uenire. Si quis hoc infringere uoluerit, dupli pena restituat et postea firmum semper permaneat.

Actum est hoc .x. kalendas februarii anno dominice Incarnationis .MCXCII.

Sig+num mei Raimunde, filie Arnalli de Uillamulorum, sig+num Guilielmi Umberti de Montecluso, qui hoc laudamus atque firmantes et firmari rogantes manibus propriis iuramus. Sig+num Bertrandi de Castelletto. Sig+num Guilielmi de Crexel. Sig+num Dalmacii de Palaod. Sig+num Dalmatii de Crexel maioris. Sig+num Raimundi de Crexel. +Ego R<aimundus> de Rochabertino, abbas Sancti Felicis, confirmo\*. Sig+num Berengarii de Castelleto\*.

Ego Ferrarius, notarius domini archiepiscopi, hoc scripsi die et anno prefixo.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 141-142